

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی. و هر ماه عربی ابتدا سیله اون بشده نشر اولور مجموعہ درین

عدد ۲۳ - جلد ۲ [۱۵ شعبان سنه ۱۲۹۹ [نفعده سی ۳۱ عروشن

انگلتره موزه سنک دارالقرائت سی

اليوم (بریتش موزه ٹوم) دیہ معروف اولان انگلستره موزه سی
 ۱۷۹۳ سنه سنده تأسیس اولمشدر . ۱۷۵۲ سنه سنده وفات ایدن طبیب
 مشهور سیر هانس سلوان نام ذاتک ترک ایتش اولدیغی ۵۰۰۰۰ جلد
 کتاب ایله خط دستی حاوی برچوق مرقعات و آثار سائرہ عتیقه
 کتابخانہک ایلاک طبقه سنی تشکیل ایدر .

بوکونکی کونده مذکور موزه نک حاوی اولدیغی کتب پارسک
 مشهور کتابخانہ ملیسیله لوور و قلوئی و تاریخ طبیعی موزه لرده موجود
 کتبک مقدارینه مساوی یعنی ۲ میلیون جلدہ قریبدر .

دوقتور هانس سلوانک ترک و اهدا ایتش اولدیغی آثاره مؤخرأ
 روبرت قولنک متروکآنسدن اولهرق انگلتره قرائلرندن اوچنخی ژورژک
 سلطنتنده اله یکیریلان برچوق یازمه کتاب ایله (روبرت هارلهی) قونت
 دو قسفوردک وفاتسندن صکره ظهور ایدن یدی بیک جلد یازمه کتاب
 علاوه ایدلمشدر .

(پوزه) نام ذات طرفسندن اشا اولتهرق مونتاغ - هوز نامیله
 مشهور اولان سرایی حکومت اشترا ایله آثار مجعوشهینی کاملاً اورایه
 نقل ایتدیرمش و موزه نک اساسی بوججهله وضع ایدلمشدر .

۱۸۰۱ سنه سنده انگلیزر اسکندریه ده فرانسزلردن اغتصاب ایتش
 اولدقلری برچوق آثار عتیقه مصریهینی انگلترهیه نقل ایله مذکور
 مونتاغ - هوز سراینه وضع ایتش وینسه اوصصرده وفات ایدن طول
 نام ذاتک جمع ایتش اولدیغی مرمردن مصنوع برخیلی آثار عتیقه دخی
 طرف حکومتدن اشترا اولتهرق موزه نک اکیلاتنه خدمت ایدلمشدر .

والحاصل اوزماندن صکره علی التوالی هر طرفدن جاب و تدارک
 اولنان آثار عتیقه برادهینی بولمشدرکه مونتاغ - هوز سرایی استیعابنه
 کفایت ایتامشدر .

حتی اوچینی زورزك وفاتسندن صكره كندیسندن قالان وخلق
دردنچی زورز طرفندن كتابخانه مذكوره اهدا قیلان مجلداتی وضع ایتك
ایچون یروانه مامش در .

مکمل بر موزه انشاسیچون اوتنه دن بری موجود اولان بر تصور
قرالك بوهیده سنی برلشد بر مكد كوریلان مشكالات اوزرینه موقع فعله
قونیلهرق، روبرت شمیرق نام مهندس مشهورك تنظیم ایتدیكى خریطه یه
تطبیقا (بریتش موزه ثوم) دنیلان بنالك انشاسنه شروع اولمش و ۱۸۴۷
سنه سنده مهندس مومی الیهك برادری معمار سید نهی شمیرق، معرفتیه
ختامه ابرمشدر .

ذكر اولنان بریتش موزه ثوم غایت جسم بر بنا اولدیغندن، هر
جهتنی ولو سطحی اولسون تعریف ایده بئلك ایچون بر ییوك كتاب
یازمغه احتیاج كورینور. بناء علیه بختز ذاتا كتابخانه یه متعلق اولدیغندن
یالكز قرائت صالونيك تعریفیه ! كتفا ایتكى مناسب كوردك .

بوصالون موزه حولسنگ وسطنده مینی اولهرق، یتش آلتی متره
طول والی آلتی متره عرضنده بر دأره در . اوزری سطحندن ۳۲ متره
ارتفاعنده بولنان بر قبه ایله مستور و قبهك قاعده سنده هر بری ۹ متره
ارتفاع و ۴ متره عرضنده یكرمی قطعه بنجره ایله قبهك مركزنده نشر
ضیایه مخصوص وخارجا علم حكمنده بر فنار موجود در .

قرائخانه یه هوا وضیایك دخولنی تسهیل ایچون بنالك اطرافنده
اون متره عرضنده فاصله بر اقلشدر . قرائخانه كاملا تیوردن انشایدلمش
اولدیغندن، بناسیچون ۲ بك طویلاطر تیور صرف اولمشدر .

مذكور قرائخانهك صورت اداره سنه كلنجه : مأمورزه نظارته
واصحاب مطلعنهك ایستدكلری كتابلری بولدیروب اعطایه مأمور اولان
قرائخانه ناظری قرائخانهك اورتاسنده مدور بر ماصنهك اوكنده اوتورر.

ناظر موسی الیهک اطرافنده ۶ عدد ماصهك اوزرنده ایسه کتابخانهك بشیوز جلدده بالغ اولان اسمی کتبی موضوعدر .

اصحاب مطالعه مذکور فهرساره مراجعت کلفتنده بولوق ایسته مزسه ایسته دیکی کتابی بر پوصلهیه یازوب متمادیاً طولاشمده اولان خدمه دن برینه اعطا ایدر و کتاب اون دقیقه ظرفنده رحله استفادهیه وضع اولتور .

فهرساره مخصوص اولان ماصهك حذاسندن بدأ ایله یعنی مرکز دن محیطه طوغری صره ایله دیزلمش ۱۹ ماصه واردر که استنساخ ایتك آرزوسنده بولنانر بو ماصهك اوزرنده حقه قلم و دسته له کاغذ بولور . وهر ماصهك اورتیه سنده قارشیلقلی اوتوران ایکی کشینك یکدیگری کورمکلکنه حائل اوله جق صورتده برر تحتیه پرده موضوعدر .

جلدلی جسم و ثقیل اولان کتابلر ایچون صالونك اطرافنده مربع الشکل اون آلتی عدد کوچوك ماصه واردر . بو ماصه لی کوچوك لفظیه یاد ایدیشمز دیگر ماصه ره نسبتله در . یوقسه هر بری دردر متره مربعنده در .

موسم صیفده صالونه سرین هوا ادخال ایچون متعدد موصلفلر موجود ایسه ده اصحاب مطالعه تعجیر اولماق ایچون صولر شاقردیسی طویلیه جق صورتده مصنع بوریلره آتقده در . قیشك ایسه هر ماصهك آتنده موضوع بولنان بوریلره صیجاق صو صالیویریلره اصحاب مطالعهك آیاقلری پرودتن محافظه ایدیلیر .

قراخانهك سطحنده ایسه مشی و حرکته شماته حاصل اولماق ایچون بر پوس قالیغلنده قاوچو مفروشدر .